

Хоразмда янги масжид қурилади



14:20 / 16.09.2020 1801

Алҳамдулилаҳ, юртимизда яна бир янги масжид бунёд этилади. Иншааллоҳ.

Ўзининг узоқ бир тарихига эга бўлган Хоразм вилоятининг Тупроққалъа туманида янги масжид қурилади. Бу ҳақда **Ўзбекистон мусулмонлари идораси Масжидлар бўлими маълум қилди.**

Масжид учун маҳаллий ҳокимлик томонидан туман марказидан 130 км узоқда жойлашган «Тупроққалъа маскани» маҳалласидан 60 сотих ер ажратилди. Хоразм-Бухоро вилоятлари чегарасида жойлашган Тупроққалъа маскани, Саримой, Нукус, Хазорасп маҳаллалари аҳлининг кўп йиллик орзулари ушаладиган бўлди. 9 минг аҳоли истиқомат қиладиган тўрт ҳудудда бирорта масжид йўқ эди, энг яқини Хазорасп туманидаги «Шайх Қосим бобо» масжиди бўлиб, 120 километр масофани ташкил этади.

Куни кеча эзгу ният ва хайрли дуолар билан пойdevор учун тамал тоши қўйилди. Ибодат уйига шу жойда ўтов қуриб яшаб, халқ орасида маълум бўлган солиҳ бир зот шарафига «Ўтовли Эшон» номи билан берилди.



«Тупроққалъа туманида түртта масjid бўлиб, асосан туман марказида жойлашган. Қурилиши режалаштирилаётган ушбу масжидга 5-10 йилдан буён эҳтиёж мавжуд эди. Тегишли рухсат асосида ҳалқ ҳашари билан қурилиш ишларини бошлаймиз. Аллоҳ насиб этса келаси йили Рамазон ҳайитига битказишни режалашатиряпмиз», дейди вилоят бош имом-хатиби Хайруллоҳ домла Абдуллаев. Ибодатгоҳ Хоразм меъморчилик анъаналари асосида замонавий талаблар уйғунлигига барпо этилади. Xонақоҳ 160 кишига мўлжалланган бўлса, ҳовли ва атроф саҳнлари билан 250 га яқин намозхонни сиғдиради.



Ўзбекистон мусулмонлари идораси

Масжидлар бўлими